



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011-1338/'03
Sarajevo, 30.09.2003.god**

ZAPISNIK

**12. sjednice Doma naroda Parlamentarne skupštine Bosne i Hercegovine,
održane 30. septembra 2003.god.**

Sjednica je počela sa radom u 11,00 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 13 delegata.

Delegati Goran Milojević i Branko Zrno su opravdali izostanak.

Osim delegata na sjednici Doma naroda bili su prisutni: predstavnici Vijeća ministara, predstavnici međunarodnih organizacija, pozvani gosti i predstavnici sredstava javnog informisanja.

Prije prelaska na dnevni red u skladu sa Ustavom Bosne i Hercegovine i Poslovníkom Doma naroda Parlamentarne skupštine BiH izvršena je rotacija predsjedavajućeg Doma naroda. Umjesto Velimira Jukića dužnost predsjedavajućeg obavljać će Mustafa Pamuk.

Jednoglasno usvojen je sljedeći dnevni red

DNEVNI RED

1. Odgovori na delegatska pitanja i delegatska pitanja
2. Usvajanje zapisnika 11.sjednice Doma naroda
3. Zahtjev za razmatranje Prijedloga zakona o izmjeni Zakona o udruženjima i fondacijama Bosne i Hercegovine Hercegovini po članu 100. Poslovnika Doma naroda – predlađač Vijeće ministara
4. Zahtjev za razmatranje Prijedloga zakona o izmjenama i dopunama Zakona o uvozu i izvozu oružja i vojne opreme po članu 100. Poslovnika Doma naroda – predlađač Vijeće ministara
5. Zahtjev za razmatranje Zakona o izmjenama i dopunama zakona o državnoj službi u institucijama BiH po članu 100. Poslovnika Doma naroda – predlađač Predstavnički dom
6. Zahtjev za razmatranje Zakona o imunitetu po članu 100. Poslovnika Doma naroda - predlađač Vijeće ministara
7. Zahtjev za razmatranje Zakona o registraciji pravnih lica koje osnivaju institucije BiH po članu 100. Poslovnika Doma naroda - predlađač Vijeće ministara

8. Zahtjev za razmatranje Zakona o ministarskim imenovanjima, imenovanjima Vijeća ministara i drugim imenovanjima BiH po članu 100. Poslovnika Doma naroda - predlagač Vijeće ministara
9. Prijedlog Zakona o izmjenama i dopunama zakona o izbjeglicama iz BiH i raseljenim osobama u BiH, prvo čitanje - predlagač Vijeće ministara
10. Prijedloga Zakona o vazduhoplovstvu BiH, prvo čitanje – predlagač Vijeće ministara
11. Prijedlog zakona o sudskim taksama u postupku pred Sudom Bosne i Hercegovine, prvo čitanje – predlagač Vijeće ministara
12. Davanje saglasnosti za ratifikaciju Sporazuma između Bosne i Hercegovine i Vlade Republike Turske o saradnji i uzajamnoj pomoći u oblasti carine - predlagač Predsjedništvo BiH
13. Davanje saglasnosti za ratifikaciju Sporazuma između Vijeće ministara Bosne i Hercegovine i Savezne vlade Savezne Republike Jugoslavije o međunarodnom prevozu putnika i roba u drumskom saobraćaju - predlagač Predsjedništvo BiH
14. Davanje saglasnosti za ratifikaciju Sporazuma između Bosne i Hercegovine i Savezne Republike Jugoslavije o socijalnom osiguranju - predlagač Predsjedništvo BiH
15. Davanje saglasnosti za ratifikaciju Sporazuma o vazdušnom saobraćaju između Vijeća ministara Bosne i Hercegovine i Savezne vlade Savezne Republike Jugoslavije - predlagač Predsjedništvo BiH
16. Davanje saglasnosti za ratifikaciju Sporazuma između Bosne i Hercegovine i Republike Mađarske o unapređenju i recipročnoj zaštiti investicija - predlagač Predsjedništvo BiH
17. Davanje saglasnosti za ratifikaciju Sporazuma između Bosne i Hercegovine i Narodne Republike Kine o unapređenju i zaštiti investicija - predlagač Predsjedništvo
18. Davanje saglasnosti za ratifikaciju Prijedloga odluke o ratifikaciji Sporazuma o razvojnom kreditu (Kredit 3779 BOS) (Projekat razvoja i zaštite šuma) između Bosne i Hercegovine i Međunarodne asocijacije za razvoj (IDA) - predlagač Predsjedništvo BiH
19. Davanje saglasnosti za ratifikaciju Sporazuma o razvojnom kreditu (Projekat tehničke pomoći za socijalno osiguranje) između Bosne i Hercegovine i Međunarodne asocijacije za razvoj (Kredit 3778 BOS) - predlagač Predsjedništvo
20. Davanje saglasnosti za ratifikaciju Ugovora između Bosne i Hercegovine i Republike Turske o socijalnom osiguranju - predlagač Predsjedništvo BiH
21. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Makedonije o saradnji u oblasti kulture - predlagač Predsjedništvo BiH
22. Davanje saglasnosti za ratifikaciju Memoranduma o razumjevanju između Vijeća ministara Bosne i Hercegovine i Vlade Republike Italije o saradnji malih i srednjih preduzeća - predlagač Predsjedništvo BiH
23. Informacija o vanjskoj zaduženosti Bosne i Hercegovine na dan 31.12.2002.
24. Razmatranje prijedloga dokumenta "Sigurnosna politika Bosne i Hercegovine - predlagač Vijeće ministara BiH
25. Strategija Bosne i Hercegovine za sprovođenje Aneksa VII Dejtonskog mirovnog sporazuma i Akcioni plan
26. Izvještaj o I evaluaciji Bosne i Hercegovine u GRECO – MVP
27. Izvještaj o radu Ustavno-pravne komisije Doma naroda Parlamentarne skupštine BiH
28. Zaključak u vezi sa projektom CIP

Ad-1: Odgovori na delegatska pitanja i delegatska pitanja

Odgovor na delegatsko pitanje dobio je Klub hrvatskih delegata.

U okviru ove tačke dnevnog reda delegat Zoran Spasojević je zatražio da mi se dostave podaci o radnom stažu i uplati doprinosa za Fond Pio i zdravstveno osiguranje za Kalajdžić

(Jove) Mladena rođenog 01.01.1950.god. u Sagoviću opština Zenica, koji je radio u srednjoj školi u Zenici kao i popunjen obrazac M-4 za sljedeće godine: 1985., 1986., 1987., 1988., 1990. godinu

Delegat Tomislav Limov u skladu sa članom 121.stav 5 i članom 114. Poslovnika Doma naroda Parlamentarne skupštine BiH traži od Kolegija Doma naroda Parlamentarne skupštine Bosne i Hercegovine da obavezno uvrsti u dnevni red naredne sjednice tačku: Rezolucija «Kupujmo domaće».

Ad-2: Usvajanje zapisnika 11. sjednice Doma naroda Parlamentarne skupštine BiH

Diskusija nije vođena.

Dom naroda jednoglasno je usvojio Zapisnik 11. sjednice Doma naroda

Ad-3: Zahtjev za razmatranje Prijedloga zakona o izmjeni Zakona o udruženjima i fondacijama Bosne i Hercegovine Hercegovini po članu 100. Poslovnika Doma naroda – predlagač Vijeće ministara

U diskusiji je učestvovao Tomislav Limov.

Dom naroda je većinom glasova usvojio prijedlog da se razmatranje ova tačke odgodi s obzirom da predlagač nije prisustvovao sjednici.

Ad-4: Zahtjev za razmatranje Prijedloga zakona o izmjenama i dopunama Zakona o uvozu i izvozu oružja i vojne opreme po članu 100. Poslovnika Doma naroda – predlagač Vijeće ministara

U diskusiji su učestvovali: Momir Tošić, predstavnik Vijeća ministara i Osman Brka.

Dom naroda usvojio je zahtjev za razmatranje Prijedloga zakona o izmjenama i dopunama Zakona o uvozu i izvozu oružja i vojne opreme po članu 100. Poslovnika Doma naroda nakon čega je Zakon jednoglasno, sa 12. glasova za, usvojen uz zaključak da Vijeće ministara pokrene aktivnosti oko izmjena i dopuna ovog Zakona.

Ad-5: Zahtjev za razmatranje Zakona o izmjenama i dopunama zakona o državnoj službi u institucijama BiH po članu 100. Poslovnika Doma naroda – predlagač Predstavnički dom

Diskusija nije vođena.

Dom naroda usvojio je zahtjev za razmatranje Zakona o izmjenama i dopunama zakona o državnoj službi u institucijama BiH po članu 100. Poslovnika Doma naroda nakog čega je Zakon jednoglasno, sa 12 glasova za, usvojen.

Ad-6: Zahtjev za razmatranje Zakona o imunitetu po članu 100. Poslovnika Doma naroda - predlagač Vijeće ministara

Diskusija nije vođena.

Dom naroda usvojio je zahtjev za razmatranje Zakona o imunitetu po članu 100. Poslovnika Doma naroda nakog čega je Zakon jednoglasno, sa 12 glasova za, usvojen.

Ad-7: Zahtjev za razmatranje Zakona o registraciji pravnih lica koje osnivaju institucije BiH po članu 100. Poslovnika Doma naroda - predlagač Vijeće ministara

Diskusija nije vođena.

Dom naroda usvojio je zahtjev za razmatranje Zakona o registraciji pravnih lica koje osnivaju institucije BiH po članu 100. Poslovnika Doma naroda nakog čega je Zakon jednoglasno, sa 12 glasova za, usvojen.

Ad-8: Zahtjev za razmatranje Zakona o ministarskim imenovanjima, imenovanjima Vijeća ministara i drugim imenovanjima BiH po članu 100. Poslovnika Doma naroda - predlagač Vijeće ministara

Diskusija nije vođena.

Dom naroda usvojio je zahtjev za razmatranje Zakona o ministarskim imenovanjima, imenovanjima Vijeće ministara i drugim imenovanjima BiH po članu 100. Poslovnika Doma naroda nakog čega je Zakon jednoglasno, sa 12 glasova za, usvojen.

Ad-9: Prijedlog Zakona o izmjenama i dopunama zakona o izbjeglicama iz BiH i raseljenim osobama u BiH, prvo čitanje - predlagač Vijeće ministara

U diskusiji je učestvovao Mirsad Kebo, predstavnik Vijeća ministara.

Dom naroda je jednoglasno, sa 13 glasova za, usvojio u prvom čitanju Prijedlog zakona o izmjenama i dopunama zakona o izbjeglicama iz BiH i raseljenim osobama u BiH.

Velimir Jukić je na samoj sjednici, u skladu sa članom 89. Poslovnika Doma naroda, podnio sljedeće amandmane:

Amandman I

U članu 23.a.stav 2. briše se riječ « u ime» i zamjenjuje riječima «uz saglasnost».

U istom stavu, u zadnjoj rečenici, brišu se riječi: «Vijeće ministara» i zamjenjuju riječju «Predsjedništvo». U zadnjem stavu također se brišu riječi «Vijeće ministara» i zamjenjuju riječju «Predsjedništvo»

U stavu 2. ovog člana, iza teksta «a Vlada Brčko Distrikta BiH predlaže jednog člana Komisije» ubacuje se nova rečenica koja glasi: «Ministar za ljudska prava i izbjeglice obavezno je jedan od članova ispred Vijeća ministara Bosne i Hercegovine».

Amandman II

U članu 24.a. dodaje se novi drugi stav koji glasi: «Direktor, predsjednik Komisije i ministar za ljudska prava i izbjeglice trebaju biti predstavnici iz reda sva tri konstitutivna naroda Bosne i Hercegovine».

Amandman III

U članu 24.b. brišu se riječi «konsultacije sa Komisijom» i zamjenjuju riječima «saglasnost Komisije»

Amandman IV

Člana 30.koji postaje član 27. u okviru člana 12. Prijedloga zakona, zamjenjuje se i glasi:

«Ovaj zakon stupa na snagu 8 dana od dana objavljivanja u «Službenom glasniku Bosne i Hercegovine».

Delegati iz reda bošnjačkog naroda osporavali su mogućnost podnošenja amandmana Velimira Jukića budući da su smatrali da se nisu stekli uslovi za podnošenje amandmana u skladu sa članom 89. Poslovnika Doma naroda.

Nakon diskusije u kojoj su učestvovali: Velimir Jukić, Halid Genjac, Boško Šiljegović, Ilija Filipović, Vinko Radovanović, Zoran Spasojević, Osman Brka, Nade Radović, Jadranko Tomić, Hilmo Neimarlija, Mustafa Pamuk, Hasan Čengić i Anto Spajić, Dom naroda je većinom glasova usvojio da se glasa o sljedećem zaključku Ilije Filipovića:

«Budući da predsjedavajući Doma naroda, u konsultacijama sa zamjenicima predsjedavajućeg, nije uvažio amandmane na Zakon o izmjenama i dopunama zakona o izbjeglicama iz Bosne i Hercegovine i raseljenim osobama u Bosni i Hercegovini, podnosim u skladu sa članom 89.3. Poslovnika Doma naroda, a radi se o vrlo značajnom Zakonu i potrebom za njegovim hitnim donošenjem i primjenom, o uvažavanju novih amandmana iz člana 89.3. odlučuje Dom na prijedlog jednog od delegata, Doma naroda».

Nakon rasprave Dom naroda je većinom glasova usvojio zaključak Ilije Filipovića.

Nakon usvajanja zaključaka Dom naroda je većinom glasova usvojio amandmane Velimira Jukića i Halida Genjca koji je prihvatio da njegov amandman bude potpuno usaglašen sa prvim stavom amandmana I iz Predstavničkog doma, nakon čega je Zakon u drugom čitanju jednoglasno, sa 13 glasova za, usvojen u istovjetnom tekstu kao u Predstavničkom domu

Ad-10: Prijedloga Zakona o vazduhoplovstvu BiH, prvo čitanje – predlađač Vijeće ministara

U diskusiji su učestvovali: Đorđe Ratković, predstavnik Vijeća ministara i Hasan Čengić. Dom naroda je jednoglasno, sa 13 glasova za, usvojio u prvom čitanju Prijedlog zakona o vazduhoplovstvu.

Ad-11: Prijedlog zakona o sudskim taksama u postupku pred Sudom Bosne i Hercegovine, prvo čitanje – predlađač Vijeće ministara

Nakon diskusije u kojoj su učestvovali: Halid Genjac, Hasan Čengić, Mustafa Pamuk, Zoran Spasojević, Velimir Jukić i Ante Spajić, Dom je većinom glasova usvojio prijedlog Halida Genjca da se ova tačka razmatra iako predstavnik predlagača nije prisutan.

Dom naroda je jednoglasno, sa 13 glasova za, usvojio u prvom čitanju Prijedlog zakona o sudskim taksama u postupku pred Sudom Bosne i Hercegovine uz zaključak:

«Da na sjednici Doma naroda kada se Zakon bude razmatrao u drugom čitanju, obavezno prisustvuje predstavnik Vijeća ministara kako bi dao razjašnjenja vezana za član 22. koji govori o visini sudskih taksi».

Ad-12: Davanje saglasnosti za ratifikaciju Sporazuma između Bosne i Hercegovine i Vlade Republike Turske o saradnji i uzajamnoj pomoći u oblasti carine - predlađač Predsjedništvo BiH

U diskusiji je učestvovao Hasan Čengić.

Dom naroda je jednoglasno, sa 12 glasova za, dao saglasnost za ratifikaciju Sporazuma između Bosne i Hercegovine i Vlade Republike Turske o saradnji i uzajamnoj pomoći u oblasti carina.

Ad-13: Davanje saglasnosti za ratifikaciju Sporazuma između Vijeće ministara Bosne i Hercegovine i Savezne vlade Savezne Republike Jugoslavije o međunarodnom prevozu putnika i roba u drumskom saobraćaju - predlađač Predsjedništvo BiH

U diskusiji je učestvovao Hasan Čengić.

Dom naroda je jednoglasno, sa 13 glasova za, dao saglasnost za ratifikaciju Sporazuma između Vijeća ministara Bosne i Hercegovine i Savezne vlade Savezne Republike Jugoslavije o međunarodnom prevozu putnika i robe u drumskom saobraćaju uz zaključak:

«Zadužuje se Vijeće ministara da izvrši usaglašavanje u primjeni ovoga Zakona, odnosno da se izvrši dogovaranje, harmonizacija prevoza putnika i roba iz Federacije, tj. iz Bosne i Hercegovine prema Saveznoj Republici Jugoslaviji».

Ad-14: Davanje saglasnosti za ratifikaciju Sporazuma između Bosne i Hercegovine i Savezne Republike Jugoslavije o socijalnom osiguranju - predlađač Predsjedništvo BiH

U diskusiji je učestvovao Zoran Spasojević.

Dom naroda je jednoglasno, sa 11 glasova za, dao saglasnost za ratifikaciju Sporazuma između Bosne i Hercegovine i Savezne Republike Jugoslavije o socijalnom osiguranju.

Ad-15: Davanje saglasnosti za ratifikaciju Sporazuma o vazdušnom saobraćaju između Vijeća ministara Bosne i Hercegovine i Savezne vlade Savezne Republike Jugoslavije - predlagač Predsjedništvo BiH

U diskusiji je učestvovao Hasan Čengić.

Dom naroda je jednoglasno, sa 12 glasova za, dao saglasnost za ratifikaciju Sporazuma o vazdušnom prometu između Vijeća ministara Bosne i Hercegovine i Savezne vlade Savezne Republike Jugoslavije.

Ad-16: Davanje saglasnosti za ratifikaciju Sporazuma između Bosne i Hercegovine i Republike Mađarske o unapređenju i recipročnoj zaštiti investicija - predlagač Predsjedništvo BiH

U diskusiji je učestvovao Zoran Spasojević.

Dom naroda je jednoglasno, sa 12 glasova za, dao saglasnost za ratifikaciju Sporazuma između Bosne i Hercegovine i Republike Mađarske o unapređenju i recipročnoj zaštiti investicija.

Ad-17: Davanje saglasnosti za ratifikaciju Sporazuma između Bosne i Hercegovine i Narodne Republike Kine o unapređenju i zaštiti investicija - predlagač Predsjedništvo

U diskusiji je učestvovao Zoran Spasojević.

Dom naroda je jednoglasno, sa 13 glasova za, dao saglasnost za ratifikaciju Sporazuma između Bosne i Hercegovine i Narodne Republike Kine o unapređenju i zaštiti investicija

Ad-18: Davanje saglasnosti za ratifikaciju Prijedloga odluke o ratifikaciji Sporazuma o razvojnom kreditu (Kredit 3779 BOS) (Projekat razvoja i zaštite šuma) između Bosne i Hercegovine i Međunarodne asocijacije za razvoj (IDA) - predlagač Predsjedništvo BiH

U diskusiji je učestvovao Zoran Spasojević.

Dom naroda je jednoglasno, sa 12 glasova za, dao saglasnost za ratifikaciju Sporazuma o razvojnom kreditu (Kredit 3779 BOS, projekat razvoja i zaštite šuma) između Bosne i Hercegovine i Međunarodne asocijacije za razvoj (IDA).

Ad-19: Davanje saglasnosti za ratifikaciju Sporazuma o razvojnom kreditu (Projekat tehničke pomoći za socijalno osiguranje) između Bosne i Hercegovine i Međunarodne asocijacije za razvoj (Kredit 3778 BOS) - predlagač Predsjedništvo

U diskusiji je učestvovao Zoran Spasojević.

Dom naroda je jednoglasno, sa 12 glasova za, dao saglasnost za ratifikaciju Sporazuma o razvojnom kreditu (Projekat tehničke pomoći za socijalno osiguranje) između Bosne i Hercegovine i Međunarodne asocijacije za razvoj (Kredit 3778 BOS).

Ad-20: Davanje saglasnosti za ratifikaciju Ugovora između Bosne i Hercegovine i Republike Turske o socijalnom osiguranju - predlagač Predsjedništvo BiH

U diskusiji je učestvovao Hasan Čengić.

Dom naroda je jednoglasno, sa 12 glasova za, dao saglasnost za ratifikaciju Ugovora između Bosne i Hercegovine i Narodne Republike Turske o socijalnom osiguranju.

Ad-21: Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Makedonije o saradnji u oblasti kulture - predlagač Predsjedništvo BiH

U diskusiji je učestvovao Hasan Čengić.

Dom naroda je jednoglasno, sa 13 glasova za, dao saglasnost za ratifikaciju Sporazuma između Vijeća ministara Bosne i Hercegovine i Vlade Republike Makedonije o saradnji u oblasti kulture.

Ad-22: Davanje saglasnosti za ratifikaciju Memoranduma o razumjevanju između Vijeća ministara Bosne i Hercegovine i Vlade Republike Italije o saradnji malih i srednjih preduzeća - predlagač Predsjedništvo BiH

U diskusiji je učestvovao Hasan Čengić.

Dom naroda je jednoglasno, sa 13 glasova za, dao saglasnost za ratifikaciju Memoranduma o razumjevanju između Vijeća ministara Bosne i Hercegovine i Vlade Republike Italije o saradnji malih i srednjih preduzeća uz sljedeći zaključak:

«Zadužuje se Vijeće ministara da ubrza aktivnosti oko formiranja komisije predviđene ovim Memorandumom, kako bi u što kraćem roku bili ostvareni konkretni rezultati»

Ad-23: Informacija o vanjskoj zaduženosti Bosne i Hercegovine na dan 31.12.2002.

U diskusiji su učestvovali: Hasan Čengić i Jusuf Kumalić, predstavnik Vijeća ministara.

Dom naroda je primio k znanju Informaciju o vanjskoj zaduženosti Bosne i Hercegovine na dan 31.12.2002.godine.

Ad-24: Razmatranje prijedloga dokumenta "Sigurnosna politika Bosne i Hercegovine - predlagač Vijeće ministara BiH

U diskusiji su učestvovali: Ilija Filipović, Tomislav Limov, Boško Šiljegović, Halid Genjac, Velimir Jukić, Osman Brka, Mustafa Pamuk kao i Dragan Mektić, predstavnik predlagača.

Dom naroda je jednoglasno, sa 13 glasova za, podržao donošenje dokumenta «Sigurnosna politika Bosne i Hercegovine» uz sljedeće zaključke:

1. Dom naroda Parlamentarne skupštine Bosne i Hercegovine traži od Predsjedništva i Vijeća ministara BiH da u prvom kvartalu naredne godine u tekst dokumenta ugrade reformska rješenja u Bosni i Hercegovini iz oblasti sigurnosne politike i dostave Dokumentu Domu naroda na usvajanje.
2. Dom naroda Parlamentarne skupštine Bosne i Hercegovine podržava dokument “Sigurnosna politika Bosne i Hercegovine”, predlagača Vijeća ministara a dostavljen od Predsjedništva Bosne i Hercegovine-
3. Da Dom naroda Parlamentarne skupštine Bosne i Hercegovine dostavi Vijeću ministara Bosne i Hercegovine neautorizovani transkript diskusija vezano za ovu tačku dnevnoga reda

Ad-25: Strategija Bosne i Hercegovine za sprovođenje Aneksa VII Dejtonskog mirovnog sporazuma i Akcioni plan

Dom naroda je jednoglasno, sa 13 glasova za, usvojio Strategiju Bosne i Hercegovine za sprovođenje Aneksa VII Dejtonskog mirovnog sporazuma i Akcioni plan.

Ad-26: Izvještaj o I evaluaciji Bosne i Hercegovine u GRECO – MVP

U diskusiji su učestvovali: ambasador Nedžad Hadžimusić, Ilija Filipović i Hasan Čengić.

Dom naroda je jednoglasno, sa 13 glasova za, podržao Izvještaj o I evaluaciji Bosne i Hercegovine u GRECO.

Ad-27: Izvještaj o radu Ustavno-pravne komisije Doma naroda Parlamentarne skupštine BiH

U diskusiji je učestvovalo Ilija Filipović.

Dom naroda je jednoglasno, sa 12 glasova za, usvojio Izvještaj o radu Ustavno-pravne komisije Doma naroda Parlamentarne skupštine BiH.

Ad-28: Zaključak u vezi sa projektom CIP

Diskusija nije vođena.

Dom naroda je jednoglasno, sa 12 glasova za, usvojio sljedeći zaključak u vezi sa projektom CIPS:

«Zadužuje se Vijeće ministara Bosne i Hercegovine odnosno Ministarstvo civilnih poslova da u roku od 30 dana od dana donošenja Zaključka dostavi Domu naroda Parlamentarne skupštine Bosne i Hercegovine cjelovitu informaciju o realizaciji Projekta CIPS s posebnim osvrtom na raspisivanje tendera i izbora najboljeg ponuđača.

Na kraju sjednice Dom naroda je većinom glasova usvojio zaključak kojim će se uputiti posljednje upozorenje Vijeću ministara za obavezno prisustvovanje sjednicama Doma naroda kao i komisijama Doma naroda Parlamentarne skupština Bosne i Hercegovine.

Sjednica je završena u 21,00 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk